



ERIONGET LO APOLON LO ITUNGA ALU ENGWALUNGWALUNA LO UGANDA (NUDIPU)

ANGWALUNGWALUNA KEDA ECORONA

AITODIARO ANU IKAMUNITOS NUDIPU

NUDIPU ngesi aibunget na iriongeta lo ikamanara keda akiro alu itunga nu engwalungwaluna lo da ageuno okaru lo 1987 kanu aiungakin itunga lu angwalangwalauneta nu ediopone kere ko Uganda.

NUDIPU nesi iutei akwap na eyaitere itunga kere kopone kalo eirian nada ejariata itunga lu engwalangwalauna keda akerianut ka aibuses.

Epeluke NUDIPU nesi eworo keda eporoto lo imorikikina kanu apedorosio nu itunga lu engwalangwaluna ka aitojokaaro na ejautene kec **Ageunet na** ekorona (**COVID-19**)

Abwangun na adeka ana ecorona ngesi opotu itunga lu akwapin

kana ochaina olimosi eraasi aparasia 31st /12/ 2019.

Adek na ngesi eriam akwap kere ka emoriarit Uganda da.

Epone lo eweyar ekorona

Adeka na nesi eweya katipet noi kopone kalo adesitoi na aimula aitelekaarit noi noi aiboision nu ingonyatar itunga ido oyauni ariebo. Ikopa noi otunga kopone kalo eikarisone aria awola (adesitoi na aimula), angongakina ne ejai yen edeka ka aitingiting aiboisio nu ejai ekurut lo. Ibusakinit itunga kere ajaut epupokinitos noi ido itosomaete iponesio lu eyuwarete kesi aikatun ekorona.

Awanyuneta keda ijenuneta lu ekorona

- i. amwanis na akuwan
- ii. aikemikem na iporotoi
- iii. Allele na ekume, araibonat eturu/etutum
- iv. Awola
- v. Anonok na akwan

- vi. Ariebo na akou

Iponesio lu tikitiket ekorona

Ipu iponesio lu itikitikere akora na adeka na ekorona Imoriaritos luta:

- i. Mam itironori ikon kumes akonyes araibo nat akituk kon.
- ii. Mam idunyainos keda itunga lu edakasi iyitute da ebe itunga da lu emametotor awanyuneta da epedorete akorar adekna
- iii. Osalak ore arai ideka ijo.
- iv. Orapak akon akituk duc duc ne iwolar.
- v. Aria ijar ijo aboisit na inyudatar itunga arai bon a egelokina itosom etambala lo erapit ikon kumes keda aituk(amask)
- vi. Italau aboisit araibo iboro lu etapit itunga atironor duc duc.
- vii. Ilot duc duc akon kanin keda akipi ka asabunyu
- viii. Akanin ngesi da ebeit ijo ailot ayangaikin apak ne edol atikatiken 40 toni nepetai 60 kwape icorakitor erionget lo angaleu lo akwapisinei kere

Iponesio lu iganget itunga lu engwangaluna otoma aparasia nu ecorona.

- i. Ne eweyarere edio erior kere, aria erai lo einakio isawan ngupengun aria lo ikamunitai airiamunet adio, iyatanak aiwadikaeta adis ka aitosom einer lo akanin. Imoriaritos nu einer lo itebeikinitai itunga kere lu akwap wok, lu iyemuto ka olago.
- ii. Kitodolik eiriorkon kopone kalo epatanar amisiikin ido itupwarite iponesio lu weyaret eirior otupitete ipudasia lu egelegela otunga. Isisiau iponesio lu epedoriata itunga lu ejaas ka ainingosia adam, aisia ka amisiikin, ka lu mam epupete amisiikin ekon eirior kapatan.
- iii. opwaku aiwadikaeta itosomai iponesio lu epatanikinit itunga kere aisiom kwapenat aipok anyukutan, eiwadikae lo emisiikito imudikiok, ka eipone lo epedoriatar itunga lu emudukaka ido okimingaka amisiikin.
- iv. Iwadikanak akiro toma aputosia nu itosomatai kotoma aiwadikaet araibonat olago. Itosom aputosia lu imorikitos itunga kere, mere nu itipipilete itunga lu engwalangwalauna.
- v. Owany da ebe edumunete itunga lu engwangwaluna ka egangitok kec e akiro nu ikamanara keda amukian na adeka kana ekorona.
- vi. Isomeroi ka nuce aboisio nu isisiare kesi ebeit aswam ka agogong awanyun ebe elosi asisianakino ingaren kanu eisisiak lu engwangwaluna lu da emunoi ebe eyangaikineti apak na ewoja isisiate ore.
- vii. Ocoikite ipudasia itunga kalu ejai ationis na jangananikini akec akwes ka ngunda lu ipum, lu ejarete keda ailik ikeei kanu angaleukec, kopone kalo aibwaikin iwaitin edumununiata kesi amukia kec, kocoikinitete ayuarakec apakio nu ekorona.

- viii. Ekot ekomiti lo ingarenikinit aitiji ekorona awanyun ebe ejaasi kesi keda ainapeta nu tupitono nu erucokina ejok kanu aigarakin itunga lu engwalangwalauna kopone lo arucokina keda iriongeta kec adoketa kere.
- ix. Itunga luepiriaritos ainer keda akanin kesi ekoto ojasi kangin boisit na egitaritere itunga idaritos amukian na ekorona teter itunga lu mam epupete da edumunete ejanakina na eirian otoma aparasia nu ekorona
- x. Einer lo ejanakin lo akwap wok lo akiro nu ikamunitos ekorona ngesi ekoto awanyunu ebe epedorete itunga da lu engwalangwalauna aduman araibo apupun ka apatan
- xi. Itunga lu engwalangwalauna lu ebeit Alomar okartini kesi ekoto odumutu aboisit na etamit ejautene lo iboro lu itosoma kwape nat icolonin araibo irotin lui tosoma tetere itebebeni elosekec.
- xii. Lu ayuwara kere ikamanara keda akiro nu ekorona kesi edolit adumun asianakino kanu epone lo ebeitor kesi ayangarit itunga lu engwalangwalauna .
- xiii. Ikomitin wok lu ocaloi kesi da ibusanikit aigangit itunga lu engwalangwalauna kotama apakio nu ekorona owaitin lu egelegele kwape nat aireinikin kesi araibo agangat kama ejasi ipaup kec omamei ase ikur obaale.

Angetakinet

Ekorona ngesi eriko erai adek na iriamit akwapisinei kere ido da erionget lo angaleu lo akwap wok ngesi da elimonori enamba lo itunga lupe iyatakina kangin paran lu edekasi.

NUDIPU ngesi do kwana ilipit itunga lu engwalangwalauna nepepe ka itunga lu akwap wok nako Uganda kere asalkin etupitos iponesio lu icorakit erionget lo angeleu kanu aitikitik akoraro ka aikatun ekorona.

Facebook: NUDIPU-Uganda

Twitter: @NUDIPU Uganda

Instagram: NUDIPU Uganda

NUDIPU Email: info@nudipu.org